


Ulster Museum Caird



Wut o tha airt:

06 Wundae tae Oor Warl


13 Takabuti
(Leevin an Deein in Auncient
Egypt)

17 Screenge Naityer


18 Flichts o Jalousin
(ben Wundae oan Naityer)

23 Fossils an Evolution


33 Tha George an Angela Moore



- Gaillerie o Ootwrocht Airt
- Culzie Shaidin
- Airt Shaidin
- Naityer Shaidin
- Historie Shaidin



Wundae tae Oor Warl
Wud ye no hae a jeuk
at oor shap oan tha
grunn flair?



Mine an ingang tha museum wabsteid fur
mair wittins anent oor daeins, shaw-fairs,
apenin times an brows frae tha pose.

www.nmni.com



reenge/tak at it/ken tha guid o't

Tha Near Skeerie Wyce

Wud ye leuk tae be a kine o scarred? We
hae a hale clatter o orra crathurs. A muckle
fish tha like o a bülldoag, a bairdie vulture,
a poustie snek an a fause face o daith.
Thar's that monie cuil things tae remark,
it wud near scar ye. No aathegither, bot...

Kolam dauncers fause face

This pentit wud fause face is pit oan wi tha ectors in a bit o daunce ectin the' caa Kolam, frae lanwart Sri Lanka. Tha like o a wheen mair names fur ectin hameart airts in sooth Asia, Kolam mints at guisin an afftakkin ither bodies. This fause face haes tha cast o Naga Rasa, a snek deevel 'at gies a pictèr o tha ill pooer o snek pushins at's fit tae fell baith fowk an crathurs. Tha ectors pits oan thae fause faces an the' daunce, wise an pit ower yairns o sindèrie kines, frae leevin in a village tae Hindu ferlies. This fause face wus gien in 18 an 56 bae Sir Jeems Emersin Tinnint frae Tempo, in tha Coontie Fermanagh, wha wus Civil Seekitry tae tha govermin o Sri Lanka frae 18 an 45 tae 18 an 50.

Hae a leuk at tha fause face o tha Kolam dauncer ben Wundae oan oor Warl (06).



Tha fause face o tha Kolam dauncer



Takabuti



Eftèr aa that 'near bein scarred', ye micht be leukkin a bit fen tae gie a pall tae yer narves. Oor aitin-hoose pits a rowth o hameart, halesum mait afore ye, an ye'r weel suitit wi oor café fur a tassie o tay, forbye sindèrie loosome traits at'll mak yer teeth rin wattèr.

Taypit wi Wedgewood, c1820.

Takabuti

Takabuti is a wunnerfu blad o tha unco fowkgates o Auncient Egypt. Her mummie haes bin yin o tha museum's maist veesitit shaw-fairs frae she wus kythed tae resydentèrs fur tha first awa bak in 18 an 35. Mair nor twa thoosan five hunnèr yeir syne, she wud hae bin tha guidwife o a big hoose nixt Thebes in tha howe o tha Nile Wattèr. Eftèr she wus brocht tae Bilfawst wi Mr Tammis Greg frae Holywood in tha Coontie Doon, she wus apent oan 27th Jenury 18 an 35 afore memmers o tha Bilfawst Natyeral Historie an Philosophie Societie 'at haed by-ordnar biddin tae't. Reverint Doc Edward Hincks, wha wus gye an skeelie in owersettin Egyptian hieroglyphs, gien wittins tae tha gaitherin 'at the' caaed tha mummie Takabuti an 'at she wus a sillerie merrit wumman atween 20 an 30 yeir auld.

Hae a leuk at Takabuti ben Takabuti – Leevin an Deein in Auncient Egypt (13).

Mexican Rid Knee Tarantula



Mexican Rid Knee Tarantula

Tarantulas, forbye aa ither attercaps, haes echt shanks. Tha twa mair stumpit fyners oan tha heid, caaed pedipalps, is yaised furtae gie a cast in atin an leukkin its neibor. Its fangs daes fur a syringe, furtae scoot pushin intae quhit's fanked. Maist tarantulas ates beasties tha like o crickits an gresshappers, bot a wheen o tha bigger kines ates puddocks, wee mankeepers, sneks an mice. Burd-atin tarantulas, maugre o quhit the'r caaed, dinnae fur ordnar ate burds. Maugre o quhit fowk trows, a ganch frae a tarantula wunnae fell ye – less o coorse ye wud owerlie tak agin it in yersel. It wud be sair, appearinly tha like o tha stang o a bumbee. A feck o tha kines o tarantula micht cud flisk fashious wee herrs 'at can be gye an unchancie gin the' wud get intae yer een. Ye'll can fyn tarantulas in troapical an desert airts athort tha warl. Tha maist bouksum attercap in tha warl is tha Goliath Burd-atin Tarantula frae Sooth Amerikay.

Hae a leuk at tha Mexican Rid Knee Tarantula ben Screenge Naityer (17).

Lammergeier

Tha Lammergeier *Gypaetus barbatus* or Bairdie Vulture is yin o tha maist sennil met in wi burds o prey in Euraip. It bides in tha heich muntainy airts o sooth Euraip, Asia an Noarth Africa. Forbye ither vultures, it wud be a skevinger an fur tha maist pairt it ates tha flesh-mait an banes o deid crathurs. Big banes is drappit frae tha lift oantae tha clints quhaur the' brak intae flinners 'at's aisie swaalla'ed. Monie Lammergeiers dees frae atin pushint corps pit oot as bait fur ither crathurs. Pushint bait is gye an sair oan keppin tha burds leevin. This Lammergeier hersel is moontit wi a wullcat. It wus redd in Jenury 1904 an is yin o tha brawest moonts pit oot wi tha Bilfawst taxidermie consarn, Sheals.

Hae a leuk at tha Lammergeier ben Flichts o Jalousin (18).



Lammergeier

Bülldoag Fish

Xiphactinus audax, caa'ed forbye tha Bülldoag Fish, was yin o tha maist skeersome keppers tae sweem tha auncient ocean 'at happit Kansas 85 millye yeir syne. Seein it groued up tae 6 metres (20 fit) lang an haed muckle teeth kin tae fangs, unchancie fish an tynin sayburds wus gruppit athin tha jaas o tha ower-ocht say baste up-thraa'ed. In troth, a wheen o thae unco foassil fish hae bin fun wi hale fish up tae twa metres (6 fit) athin thaim. Tha banes o Xiphactinus haes bin fun in tha cauk o tha sooth o Ingran, 'at wus laid doon at tha yin time wi tha haurd Ulstèr White Limestane, sae it cud aiblins be richt 'at fish tha like o this yin wud hae swem ower Norlin Airlan in tha auld fernyeirs.

Hae a leuk at the Bülldoag Fish ben Fossils an Evolution (23).



Bülldoag Fish

Ivorie Harnpan

This byous ivorie heid is kerved oot o tha tusker o an ellyphant an aiblins wus feckit in Ingran in tha 17t centurie. Hauf harnpan an hauf leevin, bairdie man, it's caa'ed a 'Momento Mori'. This spaik in tha Latin mints 'Mine ye'll dee', pittin fowk in mine at the' maun tyne. This gies ye wut 'at e'en hunnèrs o yeirs syne, the' wur weel awaur o quhit's mintit at wi 'be feert – be gye an feert!' Tha harnpan is a feck o tha jowlry pose 'at wus giftit tae tha Ulstèr Museum wi Mistress Hull Grundy 'at stairtit giein braws in 19 an 75 an hoult tae daein this tae she dee'd in 19 an 84. She stairtit gaitherin her pose o 16t-centurie tae 20t-centurie jowlry quhan she wus eleevin yeir auld wi her wee bits o cattèr.

Hae a leuk at tha Ivorie harnpan ben Tha George an Angela Moore Gallerie o Ootwrocht Airt (33).

Ivorie Harnpan



We'd be ableeged gin ye'd tak tent 'at, oan accoot o tha wye oor shaw-fairs is aye changin, an we're giein tha lenn o things tae ither museums, a wheen o tha gear at kythes in tha wyce micht no be afore yer een throch yer veesit.

Tha Near Skeerie Wyce